

澄城縣志卷二十九

藝文 詩目

宋

隋公泉

適菴老人

過鄭公莊

張舜民

觀妙堂 崇壽宮

太原 郝子玉

元

遊玉泉

彭衙 潘汝劼

過精進寺

治陽 郭思德

明

賑貧 成化二十一年

崞山 梁璟

澄城縣志

卷二十九

藝文詩目

布政分司題壁

新城 崔忠

過古徵

嘉善 于璠

按察司題壁和韻

彬陽 曹僊

澄城道中

臨川 伍福

嘉禾為劉貫道大尹賦

朝邑 韓邦靖 五泉

過澄城贈知縣楊季琦

四明 張楷

魏鄭公祠

四明 張楷

憂旱 嘉靖十年

張廷用

關中饑行

張廷用

普濟寺

張廷用

清涼院

路車

題路一元畫山水

大興

米萬鍾

友石

普濟寺東壁觀一元畫松歌

休寧

汪元范

明生

題一元畫竹

朱國盛

贈一元畫山水墨竹

臨清

周朝瑞

同卿

俚言呈路一元師

清源

張宗顏

贈路一元初度

清淵

劉允清

贈路一元師

臨清

鄭天寵

送路一元西歸

清淵

邢泰吉

大來

書路一元太公畫譜

韓一良

九轉吟

孫士髦

水心亭和許芳谷韻

孫士髦

澄城縣志

卷二十九

藝文詩目

一一

和大司馬劉老年臺秋聲詩

孫士髦

贈王受之

右丞含一先生猶子代叔受刑

孫士髦

賣刀行

孫士髦

井節篇

王欽天

題青蓮寺路一元先生龍虎畫壁

韓城

解蔭樾

拙存

國朝

豢龍篇

和解太史七言古

析城

王用傑

題湫頭

有引

析城

王用傑

分水嶺

析城

王用傑

荒陵暮雨

縣景八首

金陵

姚欽明

古寨寒烟

雲門素練

羅谷丹霞

避暑遺宮

洗腸故地

壺山樵子

沮水漁翁

水東書院宴集

雲間

吳定

小西湖咏

為澹菴吳父母作

路世美

前題

路世龍

前題

韓九有

前題

邵陽

王又旦
黃湄

澄城縣志

卷二十九

藝文詩目

三

贈路一元先生

朝邑

李楷
叔則

路一元畫竹歌

用白樂天贈蕭悅韻

李楷

老人行奉祝路繩烈先生

馮翊

王四服

澗田行次李岸翁先生韻

臨桂

何清

北鄉踏荒馬上口占次同州趙太守韻

何清

遊洗腸泉次存庵韻

有序

何清

申節婦白氏

白意

湫頭

七言古

路一麟

北澗佛圖澄洗腸泉

邵陽

康乃心

和康孟謀洗腸泉

有序

路前

贈白子瑜

路畿

弔柳池營王冲宇先生

周士奇

幽澗泉曲懷表弟張含中

路小千

韓生墓

張秉直

澄泉吟

張秉直

澄城縣趙孝子

寶應 王希伊

辛丑澄城迎春

南川 周士孝

隋公泉

張作肅

上巳遊小華山詩

白健翹

篁韻山房圖歌寄姚子方太史

城固 陳海霖 玉珊

送姚子方同年西歸

陳海霖

檢子方侍御遺書得壬子齒錄愴然有作

四首

澄城縣志

卷二十九

藝文詩目

四

業善哭子方侍御年丈二首

陳海霖

孝婦陳張氏

嶺南 鄧兆桐

前題

武威 張儲文

前題

藍田 柳甲

前題

山陰 徐繼耀

滌清亭宴集四首

滎陽 張錢

孟夏雨後同遊洗腸泉小集溥濟寺

張錢

再遊準提洞看桃花放歌贈孫泰谷

郟陽 侯夢貞

游金沙谷二首

永濟 李蓮 夢白

重游金沙谷

李蓮

遊滌清亭

李蓮

人日游普濟寺

金玉麟

漢武帝祠

金玉麟

冬日赴西觀村假道至午西寺小憩偶成

丁未元夕感懷

金玉麟

雙清明曲

金玉麟

丁未暮春感懷

金玉麟

魏鄭公祠

金玉麟

遊匱谷觀宋人題名石刻

金玉麟

題唐人陀羅尼經石幢搨本後

金玉麟

贈馬子緇

韓亞熊

奉和金石船明府謁魏文貞公祠原韻

韓亞熊

澄城縣志卷二十九

藝文詩

宋

隋公泉

適菴老人

往事無窮莫漫傷野泉今日水猶香最憐清澈明如鏡幾度
宮娃照晚妝

過鄭公莊

張舜民

破屋居人少柴門春草長兒童不識字耕稼鄭公莊

附記浮

休居士張舜民字芸叟守同州時過此

金

觀妙堂

崇壽宮

太原

郝子玉

澄城縣志

卷二十九

藝文詩

一

至道由來瓦礫間心通萬境不為難道人若到觀空處此理
殊無妙可觀

元

遊玉泉

彭衙

潘汝劼

十日遊山歸未能杖藜又作玉泉行長林未許如人意時送
一天風雨聲

過精進寺

洽陽

郭思德

離離禾黍起秋風馬踏晴川氣最雄武帝水深沒漢鼎肅宗
寺古墜唐鐘漫天秀色梁山麗一帶清流洛水濃前去西州
望不遠塞煙連草有寒峰

明

賑貧

成化二十一年

崞山 梁璟

匹馬馳驅未敢安可憐黎庶日凋殘無端蝟役終身苦百結
鶉衣透骨寒村落荒涼雞犬散妻孥奔走道途難鑿坡肉食
知多少莫道身心得自寬

布政分司題壁

新城 崔忠

一泓澄水尚依城避暑遺宮易治平錫地唐臣惟廟祀擗槍
漢主有泉名洛河岸柳人爭渡古戍花封鳥亂鳴欲訪王家
貞節事斷碑荒塚草煙生

過古徵

嘉善 于璠

古徵舊邑洛河邊閒訪遺跡思惘然避暑殿爲參佛殿洗腸
泉作谷溪泉長卿政美存遺廟魏鄭功高有錫田昭代只今

澄城縣志

卷二十九

藝文詩

一一

思澤厚風流民物勝當年

按察司題壁和韻

彬陽 曹璉

洛河東渡入澄城澗谷盤紆路少平漢武擗槍泉尚湧隋文
避暑殿空名春來古寨寒煙鎖夜靜荒郊亂鵲鳴惟有文貞
莊錫地祠中遺像凜如生

澄城道中

臨川 伍福

阡原落木曉霜凝按節衝寒入古徵避暑宮存思故主洗腸
泉在說神僧日暄羅谷丹霞爛瀑瀉雲門素練騰憶得叔敖
爲政處去思碑石到今稱

嘉禾爲劉貫道大尹賦

朝邑 韓邦靖 五泉

嘉穀生澄北傳聞何太奇垂垂還滿縣孃孃故雙歧望喜雲

連屋常思雪滿匙萬方多調發此地免流移

過澄城贈知縣楊季琦

四明

張楷

宣德初年仕雍州此地淒涼三日留縣官疏庸吏民散百務
解體誰能收今持憲節循民俗政事有條黎庶足民風里化
脫然殊知有循良作民牧循良已歷七年春民似嬰兒戀二
親待君九載功成日擬許天庭借寇恂

魏鄭公祠

古屋荒坪下青山對茅茨停驂拜儀形宛然貞觀時念昔納
諫日剴切無回思朝朝十漸疏古今良足師平原莽秋草封
邑皆陵夷幸存馮翊譜得考文貞祠

憂旱

嘉靖十年

張廷用

澄城縣志

卷二十九

藝文詩

二二

地赤天黃日日風野雲恣傲懶從龍龜腸舊苦看將又婦哭
夫啼破屋中

關中饑行

呈督賑李少參

今年旱比前年旱麥豆全無粟未半大家不用萬斯箱小家
旋摘聊充腸可憐滿目皆饑民野菜根盡糠爲殮最苦數日
不舉火更多過鳥鳴空村困踣流離命如綫何止青州四十
萬身無完衣面如鵠鄭俠當時畫不足議賑幸賴汲長孺內
帑發銀倉發粟自古周急先極貧豈期官府知不真貧富已
任里老口吏胥還恣高下手憲檄卻恐貧失字星火遣官再
三至遍踏鄉落覩面顏團聚官衙並鎮市嚴寒瑟瑟利於刀
支羸扶老相呼號向前懇訴語不達騶隸呵箠甚犬獒祇期

告賑延殘生誰知貧極無人矜打點斡旋動要錢富與乖猾
况有情酸風鱗面身雞皮悔不默默眠茅茨哀哉此生胡不
辰有生無食胡爲人有生不如無生好生在人間枉憂惱縱
賑不救眼前飢一審况今兩月遲顛倒挪移竟無益造冊恩
恩祇搪塞又說上司有鈞旨惡審不實欲親視三番五覆空
勞碌待到賑時恐先死

普濟寺

土山盤屈勢層層中有招提十二楹碑古豈知曹景儉時移
不祀佛圖澄金沙谷共名俱泯雷雨泉隨法尙靈縣乘蕪詞
猶未紀可緣遺俗信迦陵

清涼院

路車

澄城縣志

卷二十九

藝文詩

四

誰構禪林接太空斜穿曲徑與天通樓臺隱隱千山裏鐘鼓
轟轟一水中鉢洗澗邊常注露坐移松畔自生風閒來帶月
和僧話擾擾紅塵便不同

題路一元畫山水

大興

米萬鍾

友石

尙書平遠畫乃在南山陲人皆草草過佳處唯吾知烟巒淺
著色韻格誰可爲隔水數家邨嵐光穿破籬微聞雞犬聲似
與此最宜橋非石與木敗葉積水湄觸目各有態一路入清
夷莫嫌此景淡大似斜川詩

普渡寺東壁觀一元畫松歌

休甯

汪元范

明生

路公曾次何寥廓手寫長松寒落落初疑粉壁結重陰似聽
驚濤翻絕壑左擎右攬干蒼穹柯條交錯蟠虬龍越中微認

天台寺汶陽莫辨徂峰墨光瑩瑩射棟宇頓使空林遠塵
土當年韋偃費經營此際禪房增媚嫵羨君逸思凌古人奮
筆貌出天門眞若教直幹生茲地匠石徵材顧盼頻

題一元畫竹

朱國盛

周旋君子交賞鑒幽人竹高節聳層雲素心盟閭獨關中千
畝擅繪作衛濱球無風色似吹未雨光如沐與可天然笑眉
山每嘆服濡毫忘其身未許供俗目信是傳神手莫比荒年
穀

贈一元畫山水墨竹

臨清

周朝瑞同卿

十日五日水石成不受促逼巧自呈老我去日已苦多年來
坐卧得眞精眞精得之何大遲丹青妙理差足奇奔湍信手
澄城縣志

卷二十九

藝文詩

五

凌孫位山勢如雲傲郭熙郭熙孫位破天荒行雲流水自主
張况有胸中萬个竹揮來長夏午陰涼涼陰春籟足清芬賁
茗焚香細論文君家膝下不可當願爲負戴去從君

俚言呈路一元師

清源

張宗顏

華岳多奇士最者推諸路賢聲流海嶠在在人爭慕分任佐
清源重聞歌五袴而嫌紗帽拘所欣在布素顏也荷甄陶恍
如夢者寤言下霏玉屑筆底生雲霧披豁脫形骸投契抒情
愴混跡波靡中令人古風度良哉近語編心服徐水部長夏
綺筵開杯有金莖露遶砌芝蘭香翩翩謝家樹拭目看喬遷
纔遂君展布他年仰高踪四境口碑具

贈路一元初度

清淵

劉允清

太白峩峩高接天黃河混混與相連龍光君子篤生焉文章
三峽水潺湲揮毫信手生霧烟箴篋特簡佐清淵坐嘯優游
配昔賢繭絲不尙凋瘵痊垂簾雀鼠靜簷前素心矢勵飲貪
泉齋馬芳名到處傳阿戎袍染柳汁鮮三槐門第可齊肩欣
逢初度啟瓊筵天保華封喧滿廛清也雖慳關尹緣生平愛
讀道德篇雙手擎來祝上仙願言遐算似真詮一字一年年
五千

贈路一元師

臨清 鄭天寵

才是秦川彥符分汶水陽猷爲貌繁劇志節凜冰霜拂檻瑤
林秀揮毫白雪香通靈渾似顧潑墨恰如王青眼看髦儁赤
心佐廟廊疎簾松月皎曲徑野雲蒼可但嘉聞遠還知累葉

澄城縣志

卷二十九

藝文詩

六

昌它年棠樹下萬口頌循良

送路一元西歸

清淵 邢泰吉

使君耽竹石竹瘦石益肥此日關西去還應載石歸

書路一元太公畫譜

韓一良

白髮綸竿叟黃堂世胄家三槐榮遺蔭五柳靜懸車詩酒招
攜誰與伍買山鑿水空今古興來把筆寫丹青墨氣縱橫直
欲舞須臾風雲肘後生龍吟虎嘯若聞聲青巒迤邐插天起
谷澗潑洄匝地行十洲三島神仙藪鳧鷗戲水歸帆走依稀
境入篔簹谷彷彿路迷桃源口動植翔躍溪中濃得意模爲
竹與松君子葳蕤淇澳水大夫挺茂徂徠峰八十老翁全妙
理天機點染毫端裡解衣磅礴逸興飛一時價貴洛陽紙更

願阿翁勉加餐精神豐饒主名壇家藏十襲千金秘莫與尋
常肉眼看

九轉吟

孫士髦

一轉觀蓮庭洞開芰荷初放水滌洄霏霏細雨南薰動吹送
清香入座來 觀蓮庭

二轉堂前長似春花紅卉綠媚幽人村醪酌罷渾無事小沼
清清自洗巾 長春堂

三轉神龍臺宇新作霖何日且潛身會須邁得風雲至和雨
和雷起涸鱗 作霖臺

四轉玲瓏冷善亭繞簷松竹映簷青解衣高卧北窗下鳥語
嚶嚶不要聽 冷善亭

澄城縣志

卷二十九

藝文詩

七

五轉波心宛在峰菽蘆獵獵柳重重小舟移向尖巒下恍惚
金山北地逢 宛在峰

六轉山庵號倦還幾回攀躋幾回眠息機便是長生訣誰道
淵明不解禪 倦還庵

七轉吸陽洞府深丹崖高處對孤岑道人入定蒲團後淡卻
勞勞塵世心 吸陽洞

入轉明軒紫翠間柴扉雖設未嘗關拋書斜倚曲闌望水滿
前溪煙滿山 文明軒

九轉峰頭廣毓祠慈雲瑞霧鬱參差殷懃稽首蓮臺下願向
叢林借一枝 廣毓祠

水心亭和許芳谷韻

停車憩招提佳境忙中覲慚余走風塵何緣到岑岫石激水流潺樹映山色秀新詩燦壁間酬和豈甘後倚几未成吟簿書沓來湊披閱緒頗煩鞅掌顏覺厚夕陽禽鳥聲呶啞笙簧奏爲戀景色幽頻去復回首夙欲賦歸來此遊何日又

附 水心亭詩 方作

塞行兩月餘佛刹不一覲今朝此招提突兀出深岫怪石聳峻層奇樹鬱森秀湛湛一泓泉迴出諸天後亭荒遺址存橋斷枯楂湊席列青藹深坐藉蒼苔厚遠屏鼓吹囂靜聽琴筑奏與君抱素心風塵共白首三杯不盡歡徒旅驅車又

許作

澄城縣志

卷二十九

藝文詩

八

山色不易逢知已不易覲何期水雲鄉置身共巖岫香浮萬斛泉翠靄千峯秀散步亭沼間老僧從而後魚鳥坐來親林下陰相湊淨土洗根塵青山照顏厚聆茲擲地聲恍聽鈞天奏千古抱遐心一時欣聚首谷口有鳴騶名緣能卜又

和大司馬劉老年臺秋聲詩

夜靜園扉嘆業緣旅懷搖落况蕭然當窗皓月溶清露棲樹寒鴉帶暮煙竊鐵已蒙鄰父謗賜環敢望聖明憐中宵自忖生平事無那砧聲過耳邊

南冠相對坐臨軒

同寓臨清守陳君楚人也

此日勞人若箇

冤卻顧行藏知我拙懶將心事向人言籠雲月色明還暗穿

巷柝聲寂復喧願得皇仁宏解網拂衣從此問僊源
夢魂不復到朝班遙憶村莊路幾灣結屋峯頭堪蔽雨杖藜
屐步好登山籬邊芳豔隨開落嶺上浮雲任往還脫卻煎熬
尋野趣偷閒應學少年頑

每逢佳節便思家客裏之秋惜歲華喜遇良朋頻酌酒厭尋
章句且看花銀蟾輝映前星耀

中秋日皇子生園中欣然望

赦蓮漏聲催漢影斜端的聖明多雨露纍臣相慶莫相嗟

倦來伏枕夢偏長簷雨霏霏催溜忙漸瘦多因耽舊病懶遊
只爲怯新涼最憐客久囊無蓄且喜秋成家有糧歸去花封
召杜在耕田行與賦甘棠

一往孤蹤直道行儘將好醜任人評須求素履完無玷不計

澄城縣志

卷二十九

藝文詩

九

浮名敗與成籬菊芳菲增客興征鴻嘹唳動歸情家鄉傳說
干戈淨盂黍豚蹄共太平

贈王受之

右丞含一先生猶子代叔受刑

世上有心人俠烈志常舒恩仇刻在念豈計親與疏馮翊受
之子至性夙有餘爲感叔翁愛囹圄甘同居赫赫嚴刑下少
壯共怯虛痛翁衰病軀望之色已沮熱腸立請代慷慨不趨
趨夾脛慘欲死忍氣蘇徐徐義動諸紳衿揮淚各吁歔吉綉
君同里高名千古書子姪差等分君名尙愈諸

賣刀行

我有寶刀真奇絕人言此是倭中鐵沙浸鑪煨幾經秋良匠
磨礪千遍徹利可吹毛光燦然陸剗水斷更無前烈士相贈

多意氣寒芒直射斗牛邊憶昔隨我北平外金作飾兮錦爲帶胡兒望之膽欲裂何物魍魎敢爲害時逢陽九空低首懸君屋壁常相守鋒鏑生鏽鞘生塵夜深猶作蛟龍吼無端坎壈纏身來一困樊籠苦未開無計可療眼下急思賣君兮歌莫哀君不聞楚國亡臣出昭關賣劍丹陽空淚潛又不聞延陵季子訪徐君旣死仍將劍掛墳噫嘻二子何輕棄所珍其奈情勢窘逼人况乎奇物顯藏信有緣君兮我兮莫怨天英雄失路從來有惜別且酌新豐酒吁嗟乎延津何日躍雙龍此際盈盈難釋手

井節篇

王欽天

君不見首陽高義楚江忠從容慷慨渾相同勁骨峻嶒插碧

澄城縣志

卷二十九

藝文詩

十

漢千秋彤管詞清風又不見皋魚郭巨孝雙親捐生葬子兩情眞天經至理無虧損肝膽光明格鬼神奈何叔季江河頽忠孝茅靡不可回七尺行行失大節女中詎有丈夫才重婚再醮人倫倒偕老百年不可保耳截目剔誰肯依綱常傾壤總堪惱爾迺河嶽鍾靈英閨壺之中賢良生三從四德緣天授冰清玉潔凜堅貞玉潔冰清者曷門繫予外王母氏孫少年幽靜毓名族母儀女訓素爲敦及至于歸學敬戒舉案齊眉弗少懈諧和妯娌樂宜家無非無儀翁姑快豈期中道喪稟礎滿膺血淚灑漓淋巾櫛衾裯而夫續抱頭落井水浸溲父母姊嫂勸殷殷從一不必烈爲芬素縞百尺神明佑銀瓶出水總無恙甥娃猶子撫膝下畫荻和熊脂粉卸上堂甘毳

爲姑羞下堂機杼勤日夜藍橋玉杵塵情絕質傲松筠骨凜
雪黃姑織女伴孤緯婺宿中天不可滅嗣子今復多奇蔭彬
彬孝義皆髦俊亢宗遊泮毓祥麟後先光裕箕裘振中心匪
石未可卷荆玉爲胸磨不穿鶴年上壽甘白首可發色笑慰
重泉金朝師婦令名高衛篇共姜矢兩髦曠世孤芳非易得
天教阿母繼清操一時激憤人孰無所重終身誓有孚允貞
允淑空宇宙人綱人紀端爲扶此道今人棄如土茹荼婞節
誰能伍翻憐諧媚負昂藏媿汗應教浹圭組聖朝風勵遍遐
方褒誥行看出建章史筆如椽垂不朽好看澄井萬年香

題青蓮寺路一元先生龍虎畫壁

韓城

解蔭樾

我生寤寐王叔明獲見一元八十翁胸中夙有全邱壑筆底

澄城縣志

卷二十九

藝文詩

十一

能爲造化工有時爲我畫龍虎怒作之而霆電舞忽然長嘯
海天秋驚蘋獵獵如可覩意匠居先宛肖之游戲丹青任酒
卮等閒識得鴻濛面天地原來一繪師谷口停雲如匹綃洗
腸瀑布涌墨濤悅生遠韻等鴻毛有時稅駕崆峒高太華終
南手可樵豈受人間名利弢

國朝

豢龍篇

和解太史七言古

析城

王用傑

劉累豢龍史記異周處擒虎終名士爲鼠爲虎東方生亦龍
亦蛇漆園吏一元先生羅邃古靜向茅茨畫龍虎嘯恐生風
吟恐雲觀者聳側栗其股一朝點睛卽飛去百獸攢蹄莫敢
舞坐客滿堂目睛眩詫言神物何曾睹九九八十餘一鱗一

生一乳貴妊娠天下文明從九五大人彪炳變如神
轟轟嘲風生古怪冒威三出氣嶙峋變見飛騰羆虎
士蹕跗經綸裕後人文中龍虎高陳亮武擅韜鈴
下裴民一元先生非畫師偶寫胸中不世奇若肯
絢爛信妍媸多費鉛丹染一時太史解公蒐墳典
題詩異世珍入選我本晉郊一小儒秋水望洋
海若淺命我疎狂妄續貂大巫精靈秦隴滿小巫
見之神氣短

題湫頭 有引

湫水在縣西南三十里懸崖飛瀑如濺瓊珠下有幽洞東有龍神祠溫泉旱禱輒應洛水湯湯忽墜千仞遂限舟楫魚鱉不能游真封內之灑灑金焦也繩烈先生長公麟趾

澄城縣志

卷二十九

藝文詩

十一

喬梓纂志爲余倡言之余每事卧遊聞之大快因賦之以告探奇者

熊觸已施瀉水力洛神又鼓破山才掀翻銀漢連天落摔碎珠盤滾地來浴日虞淵波底燠藏蛟窟室洞門開畫舫游鱗天塹此油雲沛雨遣風雷

分水嶺

分水嶺在縣西二十里地名漕曲一峰如削二流若畫前面迴環復合岸東有飛龍痕跡鱗爪俱見龍廟在焉古柏蒼翠攬勝尋幽真奇絕地鄉民借以立砦不但事神更禦暴矣賦之以助壯游

聞說崑崙歧積石又觀江水別爲沱中流忽起巖巖石兩道

分開湛湛波水瀉東西喬勢遠龍飛上下匯齋多沈思廟古
藏靈變砦迴巍巍柱洛河

荒陵暮雨

縣景八首

金陵

姚欽明

蕭蕭松檟已榛枯憑弔千年憶壯圖風雨有靈天意遠山河
遺影月明孤雲連漆水寒逾慘雁過荒陵夜急呼往事人間
餘秋草卧麟斷鳳點烟蕪

古寨寒烟

樹杪躋攀石磴懸手扶藜杖出風煙山連沙漠迷遙嶺日上
蓮峯景曙天秋草征夫烽堠外夕陽歸鳥戍樓邊險成絕壁
生悲感爲憶平章戰伐年

雲門素練

澄城縣志

卷二十九

藝文詩

十二

城北之山何者谷有時雲氣水霏微石門夜永垂綃幕澤國
天寒授縞衣漠漠深秋迷白雁溶溶好月映朝暉三峰誰看
公超霧對此聊同華下歸

羅谷丹霞

獨倚高樓悵落暉遙遙秋漢晚烟霏乘風疑自赤城起返照
欲同落鷺飛谷口子眞名蹟渺餐霞中散客心違何時採此
山中桂朱影光流白練衣

避暑遺宮

隋文皇帝此山中玉殿曾同長樂宮不見羽林屯翠輦只聞
牧豎拾青松荒臺像想千官侍鳥道依稀萬國通風景蒼蒼
秋水冷夕陽終古恨無窮

洗腸故地

佛子乘雲去不還空餘礪水咽空山高秋爽落玉千尺纖月
涼生碧一灣當日洗腸久縹緲近時瀑布故潺湲客行到此
情無限滿引蕭然意自閒

壺山樵子

一抹名山似海洲拾薪穿露豈仙流獨呼明月陪幽賞信步
青天亦勝遊叱石聊成羊牧戲爛柯應爲局棋畱遙遙人世
浮雲外萬頃松風次第收

沮水漁翁

平津高閣不須開弋釣溪山正未回巢父仍歸東海去任公
卻傍會稽來一簣織雨時停櫂萬尾翻雲幾映杯肯向桃源

澄城縣志

卷二十九

藝文詩

十四

尋避世烟波回首便塵埃

水東書院宴集

雲間

吳定

余不肖莅茲日久奉職無狀蒙諸君子不以退責反辱寵
以俎豆錫以佳章深慚顏甲跼躄如蝟感德謝和以誌高
誼薄雲情深大海而忘東施之效顰云耳幸諸君子教正
爲榮

燕語高堂月在空白頭杖擁黑頭公鵲殘南浦梅如雪春到
西園柳擘風絳蠟飛花浮大白羣賢點筆感啼紅人生不易
今宵樂肺膈依依別夢中

小西湖咏

爲澹庵吳父母作

路世美

卜築古城下山公日騎馬繞堤種綠楊環沼構長廈未雨煙

如織無風目欲極摩訶聲近遠欵乃音離卽饁女時采蓮騷
人且扣舷山水移情性西湖宛在前芝草出三蕤寄生發特
枝兩歧初報穗况以落成時齊山本坦廓雁宕始淵著誰是
開山人應頌謝康樂

前題

路世龍

城西門外小西湖西湖近傍城之隅城頭風光難爲似湖裏
氣象萬千殊曲堤虹橋折折見回廊桃柳拂人面三春桃柳
報芳菲柳暗桃明花似霰欄檻曲直繞湖開閣道廊通黃金
臺黃金臺上客滿座輯集磊落之奇才暮暮朝朝西湖上西
門之豹伊誰讓君不見滁西澗亭名醉翁行樂大守廬陵公

前題

韓九有

澄城縣志

卷二十九

藝文詩

十五

麻陂何崢嶸蓮峰列翠屏龍岡似拱挹沮洛如鞏縈山水固
不惡人文何蕭索或云來龍驟或云去水弱兩事憾千古落
落誰與補吳侯多曠懷毅雙爲藝圃靈沼湛清波靈臺高嵯
峨曲廊畱客宿疏柳聽鶯歌瑤石發瑞脂古木產金芝精誠
有妙契襪祥無慢施花月分窗進苔草共階生從此霞蒸變
蘇堤不擅名

前題

郟陽 王又且 黃湄

地有挾而勝不在山水麗惟德室斯馨遂具蟠龍勢激自罹
兵燹孤城依蘿荔霾雲暗東壁文芒久已蔽一曜自南來三
異傳君惠迺創德星堂以爲作人計裁形倚石塘循澗列玉
砌畫棟彩雲生雕簷紅雨綴於以驗物情知有青鸞憩於以

觀人士歌頌應無際

贈路一元先生

朝邑

李楷叔則

湖南別駕年八十綠野堂開春色集鶴處玲瓏白石爛松間
縹渺蒼雲濕白石蒼雲八畫圖珠簾玉砌影模糊春盤海錯
神鯉魚錦屏香穗彩流蘇笙簧敢擬將公纁醞醪已拚酌車
渠須與銀燭一輝煌梨園翻曲中山狼中山狼公所作愿壽
一觴醺鬢鑠示我萬卷翰墨林衆香霏微出畫閣山則突兀
水則蒼虎狔象王如爭攫墨潑花鳥饒生韻栽柯揮葉足洒
落更有西土碧眼僧眉宇慧定亦忘卻老翁指點下筆紋俗
人不解空耳聞悠然此心如有失移我蓬勃海外雲催童裁
取生綃幅一揮瀟湘千竿竹子孫敏妙摠開顏君不見謝家

澄城縣志

卷二十九

藝文詩

十六

樹樹臨風玉

路一元畫竹歌

用自樂天贈蕭悅韻

昔余見公所墨寫不屑踐迹諸家者共稱竹君最得眞解衣
之時旁無人揮毫清純無瘦腫一葉才生拂雲竦次第雖有
不安排神韻矯矯如生動我家所藏如寫生百花皆以潑墨
成其尾崎嶇插一石倚之亂長竹數莖繁烟疎雨撩眼出令
我忽溯淇澳情何當千畝憑君手坐我蕭蕭秋應聲惟公老
年筆更健兵燹之後世罕見此卷珍之歷寒暑縱有俗人不
許看孝廉文學搜先蹟寶難久畱爲長嘆我固畱之誠惋惜
感慨山河多戰色公孫能掃萬篁青囑付先教小齋得

老人行奉祝路繩烈先生

馮翊

王四服

君不見爭看老人星老人今却在北徵曾聞曾祖起明經乃
祖府同書畫精父畫更傍別駕名累代風流世罕承至今文
雅推先生少年豪氣壓咸京公車曾讓弟先登選後仍翔九
萬程初泣東光政有聲愛民無事不調停萬金省處更祥刑
七人大辟豁冤囹一時萬口頌神明指日鳶遷召帝庭無奈
鼎湖龍已升孤臣何處哭冬青惟有深山堪自冥攜家匱谷
學躬耕常時餬口笑不能甘貧恥共世人營著書聊自破愁
城與人無吝並無爭賸有汪汪度千頃讓產不啻薛家兄教
子雖無金滿籩眼前已有鳳雙鳴長男食餼次拔英九孫大
半早入鬢乃復曾孫日以增見今七世繼簪纓昔人不以相
爲榮喜惟多壽見元曾而况八旬壽且甯誰畫老子出關圖

澄城縣志

卷二十九

藝文詩

十七

懸之老人廳我將何以頌之禱之爲祝百歲之遐齡惟是翹
瞻匱谷之野爲公遙賦老人行

澗田行次李岸翁先生韻

何清

石田堯堉如蠓螺甌窶一邱租幾何閭左煙寒狐兔嘯微聞
寡婦哭山阿一望氣悽慘况乃說催科不知康衢謠擊壤爲
誰歌吁嗟乎兵火荒田一樣苦淚灑西風竟何補安得中丞
上繪圖萬歲千秋人拜舞

北鄉踏荒馬上口占次同州趙太守韻

山程迤邐見窮鄉一里蕭條接大荒沙攬塞風遮粉堞草搖
平壙鏢斜陽幾家廬井蠨蛸結何處銅牙狡兔忙繪此流離
頻駐馬青衫暗漬淚千行

遊洗腸泉次存庵韻

有序

予到官一載矣獲與同志攬勝尋幽無一二焉晉江張存
菴自京兆過訪盤桓浹旬相與遊洗腸泉泉在西河河水
澹灑不知其幾何里也泉之上有招提佛圖澄之遺像在
焉破刹荒涼寒泉湮沒蓋不勝今昔滄桑之感云

蠟屐好隨良友後遺蹤遙指興偏狂江流石咽青山冷塔影
松穿白露灑月色更將秋色洗梵聲那及水聲長引腸旣浣
千年碧拔絮還畱五夜光偶坐蒲團耽寂靜親陪客話挹芬
芳冰綃漫翦雲爲縠雪浪斜傾玉作妝佛子空龕面目古勞
人塵界鬢毛蒼讓他說法三千乘除我攜尊萬仞岡贏得浮
生閒半日莫教往事歎興亡

澄城縣志

卷二十九

藝文詩

十八

申節婦白氏

白意

天地四大柱忠孝與廉節所以古聖賢淵源相與接慨自江
河低大義多決裂鬚眉尚如此女流何足說君家月山翁嶽
嶽氣概別一第酬先志山水足了業古人稱孝廉先生眞頑
頡隱約雖終身豈云經濟缺吾姊適乃郎未旬悲簪折姊年
方青春心肝託冰雪姊孤無所依撫嗣同襁葉旣有幸而賢
不愧節以烈姊壽今八旬鶴筭正未歇纂入劉向編芳型億
萬轍

湫頭

七言古

路一麟

洛交之水入澗鄉驚濤鼓浪出車箱斬崖斗絕千百尺排空
浴日失瞿塘水簾洞穴深叵測螿蟪蜥蜴爲樂國呼吸作雲

噴作雨蛩蠃欲敵不可得巨靈試斧截龍湫不放妖蛟逆浪
游從此河海應清晏何事擊楫向中流

北澱佛圖澄洗腸泉

郃陽 康乃心

洞出林皋小磴幽羣峰翠疊望中收神僧一去餘金谷

金沙

谷名

客子重來問海鷗碧水誰傳明月印東風歛散故園愁
河橋煙柳渾如織濁酒却從驛路謀

和康孟謀洗腸泉

有序

路前

洗腸有作舊矣近郃陽康孟謀桐鯨一舉繼響不絕余款
中之暇勉次元韻少當餘子之步

孔脅洗腸誕不經鴻栽藉藉震曇扃仙蹤久冷瑤窗碧箋彩
新迴阮眼青無礙嵐波誰作主關懷茗穎燦如星我來攜酒
澄城縣志 卷二十九 藝文詩 十九
臨泉酌次第彤雲度石屏
竹軒遙引冽泉幽長伴山家月日浮如甕牖明飛野馬似冰
心事付沙鷗掀髯早慘中年去憮世還期淨土留怪石瀑聲
應識我此中難共外人謀

贈白子瑜

路畿

山縈水抱地勢奇中有至行少人知哀哀父母報罔極事死
事生一視之文學子瑜白爲氏曾羅萬卷花生筆士子弗取
崇虛文大人祇愼赤心失曾奉後母以孝聞寒暑代更志不
分倚廬忘卻身已老歲歲墓旁看青草君不見昔日蕭放哭
親時白烏舒翼助哀悲又不見漢時中郎有李德感通白兔
馴墓側墓側翠柏色常慘知是哭親號旦晚他日史臣維世

風徵書應下洛河東

弔柳池營王冲宇先生

周士奇

先生天啟甲子舉人筮仕洛陽令適當南渡之年終守棗山之節句漏投簪彭澤解組蓋有異世同符者焉生平讀書刻苦不輕許可好獎引後進朝坂王子竄人子見其眉宇不凡延之家塾筆墨服食皆出自先生

本朝乙酉登賢書來謁峻拒不見曰昔爲一堂師弟今作兩朝人物後以義死人咸哀之

精魂渺渺遶天涯三尺孤墳長野花忠義似君人有幾至今遺老弔王家

幽澗泉曲懷表弟張含中

路小千

澄城縣志

卷二十九

藝文詩

二十一

幽澗泉何清冽乃在壺山之南沮水之埡山抱水迴鍾幽韻中有一脈毓靈澈盤渦如轂轉咳唾成玉屑日出隱見蛟龍窟雲霾嶙峋虎豹穴幽澗泉何清冽匱谷幽香污膩脂金沙靈液染腥血君能避舍三十里獨立幽谷標其潔風颼颼以塵拂月皎皎而清絕誰其過者漁與樵清風明月共提挈憶昔曾聞有玉泉瑩潔如玉映澂川

玉泉子創修縣志

今復獲

見幽澗谷溯游從之脈相連玉泉子幽澗泉千里一聖百里一賢

韓生墓

張秉直

生明給諫一良子闖賊之亂會紳士守城城破罵賊遇害石馬螭文嘶路隅赤足裸膚埋溝渠秋風斜陽縱樵蘇牧豎

躑躅揔不殊羊馬之會天崩圯鼠竊乾坤龍走死屋底達官
多令狐懸測天道滅人事咄哉韓生薄骨相能守孤城與俱
喪刀恣胸臆魂不移骨烹鼎鍋終南向布被蒲簣哭者寡翻
使賢豪爲下馬華表森峙青楓樹無人知是何人墓

澄泉吟

秦中天高地凸起泉流悉出谿壑底清芬甘苦味各殊凡經
品題必佳土邑西古道旁一泓似盂水自昔呼澄泉莫知命
名始醞釀甘如飴澂澈清見底汲飲無竭時灑霑盈履履縣
因以得名詎爲泉馨美古人寓箴規欲以滌心耳寥寥天地
間最多佳山水造化鍾靈異屯蒙含生理所以君子心愛玩
無窮已如何宦粵者貪廉妄相擬人心有變易翻使泉蒙累

澄城縣志

卷二十九

藝文詩

二十一

試泛西河孟何如石門旨

澄城縣趙孝子

竇應

王希伊

婦德與婦功相夫兼教子堂上事翁姑閨中修箸七澄邑孝
子來涕泣稱先妣廬墓今三週三週一彈指哀哀荒塚旁不
忍回階卮允矣是母賢闈儀昭閭里丈夫子三人三載失所
恃畱得此賢聲芬芳盈蘭芷瑩上有豐碑趙門氏是李

辛丑澄城迎春

南川

周士孝

節轉句芒暖旭開鳴琴多暇共登臺和風緩拂千門藹瑞雪
輕融百鳥諧雲繞三峰瞻聳峙圻連九曲看瀦洄十年撫字
饒棠蔭清署葱葱鬱古槐

隋公泉

張作肅

隋公避暑已成塵山色蒼蒼草色新玉輦不來泉自冷呼名
野鳥喚遊人

清流石磴幾經年宮闕隋皇起暮煙斷岸我來尋古字猶疑
絕壁認藍田

上已遊小華山詩

白健翹

勝日踏青路向西纔離小市便沿溪草含香氣花爭發樹惹
晴煙鳥亂啼爲做流觴河畔飲欲拈佳句石頭樓遊人來往
莫空賞箇箇吟成壁上題

乘興踏青小華山同人共坐白雲間羣峰聳峙全開嶂一水
潏洄半轉灣嵐氣靄空芳草潤茶煙繞樹野花閒漫言絕頂
人稀到青壁瑤台許共攀

澄城縣志

卷二十九

藝文詩

一一二一

少長閒遊趁曉天西來小華境尤偏桃紅新染深春雨柳綠
輕浮上已煙山有清音禽對語石無位次草開筵前峰雲鎖
牧童唱幽壑懸崖更寂然

篁韻山房圖歌寄姚子方太史

城固

陳海霖

玉珊

千金不賣長門賦閉門卻掃苔封路有美一人在北方南鴻
望斷無報章落花飛絮青春晚坐愁行歎思君遠展君圖畫
如對君坐看白壁生煙雲遠山隱隱嵐光膩碧篠娟娟風力
媚想見解衣磅礴時直碩元氣相淋漓近聞帝子歌穠李百
尺秦樓開戚里特勅上方給采毫蓬壺咫尺飛銀濤
至尊臨視天顏動詔爇金蓮送供奉一日聲名滿長安尺縑
寸紙百琅玕五侯七貴求不得錦障雲屏盡減色才人自古

無不工輞川襄陽東坡翁看君餘事尙如此何況萬卷破經
史鎖院沈沈鎮日閒玉堂天上非人間有時若念陳驚座數
字寒暄須寄我更寫小山叢桂圖別開邱壑置潛夫

送姚子方同年西歸

昔別五經春今來未十旬臨歧一執手孤客重傷神隴月含
兵氣燕雲滯病身鄉心兩行淚爲寄入西秦

檢子方侍御遺書得壬子齒錄愴然有作

四首

六十題名年少身卽今落落幾星晨老畱宗伯看新鬼貴極
公孫謝故人附尾黃金皆駿骨同心白水自枯鱗孝標不了
生前恨葛帔何煩更拜塵

當時滅刺已狂遊何況風塵到白頭王令文章官大進齊人

澄城縣志

卷二十九

藝文詩

一二十三

酒肉妾同羞黃雞催日三更唱蒼狗看雲一瞥浮畱得成安
刎頸淚千秋泚水咽寒流

客牀上下借重焚天下英雄惟使君新隴秋埋公子酒舊山
春望美人雲絕交書未傳中散誓墓文先擬右軍裘馬五陵
同學在豈宜風運試揮斤

感恩知已兩茫茫回首童年鬢已霜三乘死畱衣鉢在一莊
生與硯田荒樂天饑凍陶元亮異地孤危盛孝章他日九原
重執手秋墳夜雨哭瀟湘

謂碧泉座師

業善哭子方侍御年丈二首

巢痕戀戀掃西清黃壤旋從荷鍤行裘馬五陵餘後死絮雞
千里感平生烏衣巷小夕陽冷燕子樓空秋月明諫草萬言

書萬卷九原相憶若爲情

毛錐攜手試新鋒夙好敦宜黻佩從卻遣故人乘白馬翻教
餘子侮元龍丈夫一死須烹鼎塵世三生只聽鐘血淚長沙
爲痛哭哀歌經歲助鄰春

孝婦陳張氏

嶺南
鄧兆桐

道光十二年十一月初一日新其里長稟稱里中有陳天
銀之妻張氏家甚貧翁年八十餘病危甚思食肉而家無
一錢張氏割臂肉哺之翁病忽愈飲食如常余親往視之
并詢鄰右果無間言余獲見此不負來澄一行也詩以紀
事

孝哉陳氏婦堪以勵邦族代夫養家翁織紡給饘粥家翁衰

澄城縣志

卷二十九

藝文詩

一二十四

朽年病危思食肉市遠兼赤貧痛割臂一幅肌膚作羹湯鮮
肉同烹熟不愛尺寸膚急果老人腹食之病忽痊如常能啜
蔬一點真孝心天鑒何神速事翁允若茲古來幾汝獨飛輿
親驗訊稱揚遍鄉塾入室察情形憐之幾欲哭家無數畝田
衰翁八十六夫壻外傭工工錢難養育既無姑與兒又無孀
與叔一媳一老翁同住一小屋家貧婦道難如汝真賢淑嘗
給米與錢澹然見真樸我來宰澄城見之大驚服未嘗解邀
名未嘗解邀福流露真性情相看應刮目居然孝動天千載
流芳馥握管書數行爲汝永表暴嗟哉孝婦心人人宜三復
此心誠不朽此事勿重複孝經炳日星無人不可讀所期善
養老家家勤樹畜

前題

武威

張儲文

自昔推名媛日惟姑孝乳中庸不可能奇節亦千古翳爾陳
氏婦刲臂奉夫父父曰嗟汝賢羣服中饋主君子宰澄城揚
善風比戶戒爾矜畸行憐爾貧難苦此理在人心此行須中
矩勒石樹閭閈華月照雒浦

前題

藍田

柳甲

嗟哉陳孝婦養舅念所天八旬肉不飽囊中無一錢嗟哉孝
婦陳割臂痊夫父妾臂豈不痛妾夫傭痛苦嗟哉陳婦孝婦
念非輕生此心無曲折此行自真誠

前題

山陰

徐繼耀

孝乃天地經今人棄如土賢哉陳氏婦事翁如事父毀傷何

澄城縣志

卷二十九

藝文詩

一二十五

足論翁痊忘痛楚神君爲表揚芳名自千古

滌清亭宴集四首

滏陽

張 錢

亭名滌清以泉名也惟清始滌惟滌愈清滌若洗心清思
監水遊斯亭者固宜滌蕩心胸與千載上洗腸人相印證
也攷之邑志泉爲晉佛圖澄洗腸遺跡泉上古刹建自宋
代爲歲旱祈雨之所余以戊戌歲來宰斯邑越明年夏旱
疏泉步禱輒得甘澍自是每禱卽應暇日偕僚幕諸君觴
詠泉上顧寺旣荒落舊有小亭高僅礙眉廣不容膝亦欹
斜將頽開土有布金之請同人亦鼓舞從事乃謀所以新
之鳩工庀材未集事而余適奉檄權大荔篆今秋七月旋
任戚人楊紫亭告余曰亭基締造而工竟中輟得毋棄前

功乎乃亟捐勸興作紫亭實襄其事不踰月而亭成復偕
諸君觴集亭上時當秋霽層臺聳碧四窗括青左右嵐光
侵襟入座西河清流涓涓汨汨迴旋亭下而匯於泉以視
昔之礙眉容膝正如以水滌面而眉目頓清夫山川清氣
每藉亭臺之表見而彰而人藏其心又安得掬八德水遍
爲洗滌使登清淨地哉然而登斯亭也則眼界清聞泉聲
也則耳根清飲泉水也則肺腑亦清况我輩日走風塵忽
遊林壑正如一服清涼散又何待於洗滌哉則謂清而始
滌也可謂滌而愈清也亦可愛以名亭是爲記

古佛洗腸處名泉千載清圓靈澄月窟瑩潔湛雲泓禱每桑
林應膏眞黍雨盈蒲團畱法像瞻禮共蒼生

澄城縣志

卷二十九

藝文詩

一二十六

寶刹荒金碧空廊欹翠微興言重結構羣力起飛翬地窄臺
宜聳牆低樹作圍俯看明鏡裏綠淨映窗扉
芙蓉三面影蘆荻一灣秋贏得從公暇登臨快此遊衙官稱
屈宋座客盡錢劉高唱驚人句浮雲遏不流
勝境畱從昔佳亭啟自今山容開畫本水氣滌塵襟梵唄溪
鳴玉寶筵月掛金唯期歌蔽芾敢謂有棠陰

孟夏雨後同遊洗腸泉小集溥濟寺

山城新雨霽麥氣迎朝爽靈境訪招提良朋結幽賞出郭不
五里陂陀極下上嵐光擁佛髻奧宇闢仙掌駐馬聽流泉琴
筑激清響圖澄洗腸處神瀆噴珠盞我聞脇孔中長放光萬
丈色相久虛空何須事滌盪聊示痴腸人洗濯力宜勇愧我

木石腸九曲障塵埃文字空撐撐冰炭時擾攘五濁與八垢
湔除佛力仗譬彼旱苗枯法雨爲滋養昨者禱桑林瓶汲得
漑沆涓滴起龍潭甘澍遍蟻壤利濟本慈悲敢謂通肝鬢昨

因旱禱雨卽得甘澍

試看衆綠生涼翠搖簾幌風景何澄鮮

物象皆熙穰愁腸蘇農民詩腸鼓吾黨衙官盡屈宋詞僚共
辛蔣酬唱忘主賓嬉娛偕少長豪飲酒如泉洪川吸潏潏我
獨無酒腸濫觴流不廣惟酌在山清勵此監水想方圓任盂
受盈虛同鏡朗安得卍字胸光明納萬象歸來夢錦水浣腸
亦懍懍哦詩呈佛前用志高山仰

再遊準提洞看桃花放歌贈孫泰谷

邵陽

侯夢貞

昔者我走甘涼州涇原城外好淹畱小小元都喜復愁

時余

澄城縣志

卷二十九

藝文詩

一二十七

有從今不忍看桃花之句

至今魂魄猶夷猶今春羈絆壺山

麓二月陰雨風簌簌九十韶光幾到頭并無半朵花入目昨
日郊原忽狂縱乘興遨遊準提洞滿樹桃花皆半開歸來夜
夜頻入夢夢裏不知幾回往醒時便覺神蕭爽路隔三里豈
云遙呼朋信步重遊賞洞中更有好主人泥塗軒冕謝紅塵
兩間茅屋何瀟灑煮茗花下消殘春種竹栽菊常抱甕客來
不迎亦不送清時那得避秦人煙波釣徒相伯仲酌君酒聽
我歌此時不飲當奈何置身香國卽至樂何須飛鳥趨紅羅
主人鼓掌喧堂闋愛花如君真快痛老夫同志有幾人千株
且爲劉郎種

游金沙谷

永濟

李

蓮夢白

乘興遊林壑長坡仄徑通鳥鳴金谷雨人帶玉泉風野寺雲
歸隱山橋石壘崇臨溪聊一醉高詠月明中

其二

荒谷野煙橫金沙舊有名山亭雲樹色水碓石泉聲露氣連
墟里風光入縣城客中空惹恨到此一陶情

重游金沙谷

重游復重游盤紆金谷路仙泉若神瀆湍流長傾注林壑鎖
秋煙莽蒼恣瞻顧隰原禾黍收鵲鴉集無數蘆汀沙渚寒遙
天飛白鷺一酌山亭雲紺園烘寶樹禮佛佛在心洗腸識其
故更好坐危石聽泉且小住泉聲韻琴筑童冠歡言晤持螯
亦戲耳皮裏丹黃具放生與物游造化歸浩素昨夜夢見君

澄城縣志

卷二十九

藝文詩

一二十八

指友人楊百帆卽用寄詩原韻

雲煙共朝暮君如古詩人山

綠奪秀句

遊滌清亭

澄城四面環小山路盤曲通市闌三里城郭小於斗幸有
西河水潺潺水分百道繞礪谷洗腸泉涌蘆荻灣泉傍山亭
亭傍寺中塑圖澄古佛顏我來屢尋山水樂潑洄磅礴俯仰
間簪作夢遊遊亦夢雲樹邱壑非等閑嶙峋怪石危可坐銜
杯高嘯離塵寰縣崖瀑布聲若吼水碓激轉憑輪轆石耶水
耶俱足悅胸中芥蒂如全刪乘興而來山已暝不覺醉倒忘
歸還

人日游普濟寺

金玉麟

入春已十日佳游趁休沐近邊風氣寒禿柳闕春綠坡盡轉
斜逕一亭半空矗窗櫺納萬山欄檻俯羣木斜陽逗溪流空
翠不盈掬小坐足憑眺高僧有遺躅洗腸水尙膩煎茶飽吾
腹安得鉢底蓮咒滿羅泉谷探勝不厭奇泥古恐近俗雅愛
東西峰積土作岩麓不關烟樹新一樣有皺縮清泉遶其下
冰開乍漩湫苔痕漾淺沙淨綠生琴筑年來久風塵忽此豁
雙目愜心卽幽賞無事勤版築大言欺吳人金焦太繁縟

漢武帝祠

摩雲雙柏掃晴烟髣髴旌旗在眼前宇宙已寬仍拓境帝王
多福更求仙卽看苜蓿生春隴可有蟠桃薦寢筵青鳥西飛
不知返茂陵芳草碧於天

澄城縣志

卷二十九

藝文詩

二十九

冬日赴西觀村假道至午西寺小憩偶成

松槐夾道鬱空蒼爲訪殘碑到上方

寺有金碑一

積雪陰埋

諸澗白斜陽微閃亂山黃已看雀鼠消官牘喜有蟬魚出講
堂一席荒村孤僻地題名親見董香光

寺門橫扁三大字明

董文敏公書也

丁未元夕感懷

簫鼓無聲爆竹稀中天圓月自光輝魚龍曼衍難爲戲鴻雁
哀鳴正苦饑歲歉尙憐民氣靜官貧久與賞心違杯盤草草
酬佳節可有春鐙照雪飛

雙清明曲

澄俗以清明後一日爲雙清明游人如蟻市肆雲聚戲作

四章亦竹枝之遺意也

一年贏得兩清明人影衣香燦曉晴讓爾夜臺佳節過踏青
才許上山城

東風吹盡紙錢灰昨日清明今又來助與冶遊春興好杏花
如雪傍人開

笙歌北寺沸箏弭誰解尋幽訪玉泉剛好清明春雨後人家
門巷影秋于

榆羹麥飯祀孤還夢想花溪丙舍間終是故鄉風物好清明
十日始封山

丁未暮春感懷

山城學治愧銅符對此磬鴻暗自吁秋事頻年多未熟春荒

澄城縣志

卷二十九

藝文詩

三十

如此困難蘇早田過雨無青草晚飯分香有白榆疾苦顛連
方滿目催科何忍再追呼

乾風日日放晴新多少流亡道上人饑饉直連三輔遍經營
偏坐一官貧耗餘鼠粟誰供賑瘦到鶯花亦負春昨夜雨聲
傾似注天心原自愛斯民

狂沙作陣攪空飛入市人多賣犢歸山店綠抄槐葉盡春田
黃軟菜根稀重來古道漆新冢逃後民居半掩扉佇馬却詢
諸父老瘡痍何處不沾衣

爲霖心事祝東風何意蒼黎值此窮豆莢有根纔飽雨麥苗
將穗又生蟲道州感歎思元結洛下安危仗魏公畢竟

恩膏希

聖世發棠許出海陵紅

魏鄭公祠

家國經綸日乾坤戰伐場文皇具英武碩輔得忠良媚嫵殊
堪愛遭逢亦靡常射鉤仇許釋破斧義何傷自信如弭直相
從轉轂忙批鱗昭悃樸懷鷄悟君王既有征遼悔旋知世澤
長十思褒諫草一笏抵甘棠食采曾通邑新祠闢享堂舊莊
足耕稼古冢悶衣裳公陪葬昭陵邑所畱乃衣冠冢也作宰

來茲土因時藝瓣香遺容嚴劍履特典列烝嘗春雨檐花蝕
秋風砌草荒斷碑遺愛誤祠有唐邑令鄭楚相遺愛碑于碑

陰刻祠記今搨唐碑者多畧而不問矣

高觀表忠償地以名

賢重

邑良輔里以公得名族人猶聚處焉

勛垂史冊光再歌

澄城縣志

卷二十九

藝文詩

三十一

辛苦句

曾是昔年辛苦地公孫扶知貢舉作也

家法仰縹緲

遊匱谷觀宋人題名石刻

薄陰祛暑助清興邀朋更作城西遊槐花夾道散成雪颯然
風意前宵秋金沙斜過小橋背稜稜亂石相連鉤乍逢谷口
遇平曠兩山倒浸波中流沿岸小路穿荻葦撐崖老樹橫梧
楸不放馬蹄任步緩忽聽蟬語知境幽天然景趣似名畫惜
少茅屋添山陬佳境漸入試賈勇芒鞋同縛凌岡疇新雨才
過水勢足涵青浸碧虛如浮溪盡路轉彙羣石如屏如厂排
何稠摩崖題字半磨滅手披苔蘚窮窺求嘉祐政和渺難逮
題名猶記呂與周汲公大蹟在宇宙生平相業從儒修懸崖
何幸見手筆此石可齧名常畱煮茗坐玩忍卽去心香一瓣

千秋酬相傳舊谷隋所闢文帝警蹕曾峰頭六月避暑時幸
此晚妝影照宮娃羞是時迷樓尙未創聊從荒窟耽靈湫長
眉皓齒更幾劫廣陵臺榭飛螢愁興亡滿目動長嘯夕陽欲
下孤雲悠吾人遊覽不徒作茫茫感集生百憂誰見遺宮紀
仁壽祇餘棠茇傳歌謳古蹟所在宜護惜好拓萬本供羅蒐
烟水一席自遐遠閒盟讓爾鳧鷖鷗

題唐人陀羅尼經石幢搨本後

太和四年歲五月甲戌之朔甲申日歸安村人王公允施建
佛幢鎮精室縱橫小字多如星陀羅尼旨鑄金經演來西土
無生法倡與人間大衆聽都城諸寺昔流傳各翻譯解參蹄
筌不教大內畱真本偏與文殊結善緣有唐尙釋承家法香

澄城縣志

卷二十九

藝文詩

三十一

花供奉無時歇卿相多皈弟子行君王迎拜佛伽骨愚民夫
婦何知識學慕虛無尊法力甘拚衣食布金錢望脫死生作
功德古幢矗立荒山隙土蝕燐燒鮮花積一千三百有餘年
摹得遺文補金石

時方纂縣志因錄載之

由來碑版推關中

金薤玉韭羣爭雄何期荒落麓林地猶見唐人文字工龍象
凋殘香火斷聊許裝池伴書卷撰人好記王簡能妙蹟長畱
玉泉觀

贈馬子緝

韓亞熊

子緝世講少登賢書三十成進士足爲吾黨光余適謁銓
在都恭逢盛事聯榻數月因溯吾邑科第自

國初以迄於今二百餘年登制科者僅八人耳蓋亦罕矣爰

不自揣吟詩十章章各一人存其梗概終於子緝以志燕
喜今子緝既以縣令分符西蜀於其行也錄以呈政非敢
爲尋常諛詞也詩曰惟桑與梓必恭敬止尙勗之哉

開國文章日月光瓊林獨步首推楊如何舊價畱題後藻榜

難尋一瓣香 楊光美先生本春順治丁亥進士官福建閩縣

吾邑自

興朝以來先生首登第後歷康熙雍正迄無一人

高廟初元文教開懷英倜儻不凡材一時游酢原同里爭悔

踰淮橘是猜 党頎亭先生偉元乾隆丙辰進士時同榜游聖

衢先生本居吾邑之窟頭鎮以原籍同州就大荔試登第詩

謂此

澄城縣志

卷二十九

藝文詩

三十三

樂天家世舊簪纓五十科名晚始成博得儒官終不就安貧

知命重先生 白文光先生凌雲乾隆辛巳進士卽用知縣改

教職終不仕

廉山太史本名流濁世翩翩羞與儔 先生本景州公喆嗣 軾

軻一官貧似洗文詞翰墨足千秋 姚子方先生莒嘉慶辛酉

進士庶常散館改兵部歷官監察御史精書法工詩善畫考

據淵博一時名噪都下

吾澂文獻百年稀此後聯翩接翅飛不見瑯邪登第後四科

三姓貢

皇畿 王迴瀾姻翁振江嘉慶己卯進士未仕余癸酉同年

記得當年奪錦標看花得意馬蹄驕算來真是徼天幸折桂

蟬聯折杏梢

余以辛巳壬午聯捷亦吾邑之創見者

英雄入穀甫經年百里牽絲不改弭爲問白頭君賺否毳毼

似我早華顛

雷季常三兄時夏道光癸未進士現官安徽太和縣加知州銜季常髮早白故用唐人詩意戲言之

季常而後廿年強天許吾賢又破荒屈指近今高擢者自眉

終遜馬家良

子緇原名玉堂今改寶書道光乙巳新科進士

譚經絳帳有開先累世科名理則然底事禪因協夢想法衣

偏讓老夫傳

子緇場中曾得一夢夢逢余講題手示以反正

向背之法及醒文思滔滔遂成佳構出以示余具言所夢余

輒然曰焉知非傳法於吾賢耶榜發獲雋故云

君胡亦現宰官身墨綬相銜似效顰寄語吾鄉諸後雋還蘄

澄城縣志

卷二十九

藝文詩

三十四

鷹隼出風塵

吾邑京秩絕少子方先生而外他無聞焉余喜

子緇之接迹前徽而轉惜其不希蹤大雅也得隴望蜀情見乎詞

奉和金石船明府謁魏文貞公祠原韻

唐相分藩地今爲瓦礫場古祠垂外鄭遺像仰元良逐鹿心
原壯從龍誼有常繩愆英主諒指玷後儒傷自是扶危切何
嫌抵隙忙豐功歸將相讜論感君王世德流芳遠孫謀衍緒
長家維存故笏人亦愛甘棠族姓蕃茲土官民拜此堂葬傳
陪石馬封說僅彤裳一代勲名重千秋俎豆香酬庸錫圭鬯
秩祀禮烝嘗破屋賢侯訪頽垣蔓草荒闡幽遺史略好古斷
碑償敢藉鴻裁煥愈增邑乘光願同芸叟句文錦馳青箱